

Kangikhitjutikhaq

Necrotizing Fasciitis

Huna una necrotizing fasciitis?

Necrotizing fasciitis (timip niqaanik nungutiriyut aanniarut) aanniarutikyuaq hiamitpaktuq qilamik timip niqaatigut (niqaa) nukiit haniani. Ilaani tuquvakhutik iluani 18-ni ikaaqnini. Necrotizing fasciitis tuqupkakpagait 20-mit 30-mut pusatnut aanniarutiqaqtunut.

Hunamit pitjutaa?

Necrotizing fasciitis pitjutigiya amihunit allatqiinit aanniarutinit, una atauhiq una group A streptococcal (strep) aanniarut. Aanniarutaa uvinirmi, qingaami iggiamilu aanniarngittuni inungni. Tamaitaungittut inuit ukuninga aanniarutilgit aanniarpaktut, aanniarutit mikiyunik aanniaritpaktut iggiakliuqhutik (strep throat) uvinirmullu aanniarutit.

Hunat aanniarutingit aanniarutigiyauyup?

Aanniarutigivagaat qilamik uluriahulikhutik puvittutik aupatjakniaqtuqlu aanniarutigivia. Kitjakniarungnaqhiyut. Inuit aanniarutilgit uumunga "timip niqaanik nungutiriyut aanniarut" uluriahukpiakpaktut aanniarvigiyamingni— ilihimayut hunalikaak nakuuhuiqtumik.

Qanuq hiamitpakpa?

Group A streptococcus hiamitpaktuq atauhiqmit inungmut allamut inungmut kahakkaangamik. Kuniktuqhutik, kallutitik atuqatigigumik, kapurautit, aluutit higaatluuniit naunaitkutarikpagait. Inuit aanniartaaqtut aanniartumit inungmit igluqatigiiktut atauhiqmi iglumi hiniqatigiiktulluuniit atauhiqmi iglumi. Inuit kahakkumik aanniartumik inuup qanianut qinganutluuniit nuvakmik kakkimikluuniit inmik aanniartaaqtut.

Qanuq aanniartailiniaqqat?

- Algatik uakattaklugit.
 - Atuqatigihuiqlugit niuqqautit, kallutit, hikuliat puut, kapurautit, aluutit, higaat hunavaluillu nuvaqaqtut (tivvuaqhikvik) piqaqqata.
 - Kalakturlutit tagyuklutitlu ikuhiqnut aingnutluuniit, kakkiiyaunmikluuniit atuqlutit. Kakkiiyautit igitlugu uaklugit algatit.
 - Killatit halumapkaklugit naunaiklugu allannguqtaq ariakhaa ukunatat; aupayaaqniq, puvitluni, maqjilikluni, kitjakpat ulurianaqhilikkatluuniit kilaaqviani.
 - Inuk aanniarutait naunaitpata qilamik munariyauyughayut.
 - Hanianiitkuvit inungmut aanniarutiqaqtumik uumunga hiamittaaqtumik GAS (igluqatigiigunni) havautituqtughayungnaqhiyutit antibiotics-nik.
- Havautiqaqtumik kapuutikhaittuq aanniartailitjutikhamut uumunga Group A streptococcal aanniarutinut.

Qanuq ikayuqtauvakpat?

Antibiotics-nik havautituqtughayut ikayuutikhanik aanniarutinut pilakhirnirmullu piirianginni huunngiktunik tmiup niqainik aanniarut hiamittailivlugulu.

Hunat pitjutigiyaait aanniartutikaliknikkut?

Pitjutaa uumunga necrotizing fasciitis pitjutigiyaanit uumunga Group A streptococcus mikiyuq. Necrotizing fasciitis aanniarutauttaqtuq pingahunit 7-nit inungnik atauhiqmut 1,000,000 inungnut atauhiqmi ukiungani. Inuit nayuinnaqpaktut inungmik aanniarutilikmik necrotizing fasciitis ikitqiyauyut aanniarutinikniaktumik; kihimi munariyakhayut aanniartaililitik.